

Sabóor 68:1(1,2) Mu jëm ci njiital jàngkat yi, ñeel Daawuda, di woyu Sabóor. (2)

Yàllaay jóg, noonam ya tasaaroo; bañam ña daw, dëddu ko.

Sabóor 5:9,10(10,11) Ñii, lu ñu wax, wérul, seen xol a mébét njekkar, seen gémmiñ di yoonu bàmmel, ñuy naxe làmmiñ wu neex. 10(11) Éy Yàlla, topp leen, ñu fakktaloo seeni pexe; xalabal ñii barey moy, ñoo la gàntal.

Sabóor 7:1,2(1-3) Muy woyu njàmbat, ñeel Daawuda. Mu woyaloon ko Aji Sax ji ci mbirum kàddu yu tukkee woon ca °Kuus, ma bokkoon ci giirug Beñamin. (2) Éy Aji Sax ji, sama Yàlla, yaw laay làqoo! Musal ma, xettli maak ñi may dàq ñépp. 2(3) Lu ko moy ñu fàdd ma ni gaynde, daggate ma te kenn du wallu.

Sabóor 11:6 Day tawal ku bon ay mbugal; sawaraak tamarax ak ub jaas dib añaam.

Sabóor 18:2(3) Aji Sax ji laay sës, mu di ma aar, di ma wallu. Mooy sama Yàlla, ji may sës, yiiru, fegu; mooy Boroom doole ji may musal, di ma làq.

Sabóor 18:14(15) mu soqiy fitt ak jumi melax, tasaare leen, félxe.

Sabóor 18:17(18) musal ma ca noon yu mag, ya ma bañ te man ma.

Sabóor 18:39(40) Sol nga ma dooley xare, sukkal ñi ma jógal, ñu féete ma suuf.

Sabóor 18:45(46) ne yàcc, génne seeni tata, di lox.

Sabóor 18:48(49) Xettli nga maak noon, kaweel ma, ma tiim ku ma jógal, xettleeti ma cib soxor.

Sabóor 23:3 leqli ma, teg ma ci yooni njekk ngir teddngay turam.

Sabóor 27:11 Éy Aji Sax ji, joxoñ ma saw yoon, jaarale ma joor gu wóor, ngir ñi may téri.

Sabóor 31:15(16) Yaa yor sama àpp. Xettli maak ku ma noonoo ak ku may sonal.

Sabóor 34:4(5) Maa sàkku Aji Sax ji, mu nangul ma, tàggale maak lépp lu ma ragal.

Sabóor 34:7(8) Ku ragal Aji Sax ji, malaakaam yiir la, di la wallu.

Sabóor 34:13(14) Na làmmiñam daw lu aay, daw i fen.

Sabóor 34:17-19(18-20) Ku jub yuuxu, Aji Sax ji dégg, fu mu jàqe, mu musal ko.

18(19) Sa yaakaar tas, Aji Sax ji jege la, sa xol jeex, Aji Sax ji wallu la. 19(20) Musiba bare naa dal ku jub, Aji Sax ji musal ko ci lépp,

Sabóor 35:1-8 Ñeel Daawuda. Éy Aji Sax ji, digaaleel ak samay digaale, xeexal maak ñi may xeex. 2 Fëkkal sa pakk ak sa kiiraay, taxawusi ma, 3 xàcci sa xeej ak sa sémmiñ, dajeek ñi may dàq. Déey ma, ne ma: «Sag mucc, man a.» 4 Ñiy wut sama bakkan, yal nañu rus ba torox; ñi may fexee lor, yal nañu leen waññi, sewal leen. 5 Yal na leen malaakam Aji Sax ji bëmëx, nim ñax mu ngelaw wal. 6 Yal na leen malaakam Aji Sax ji dàq, ñuy lëndëmtuy tarxiis. 7 Defuma dara, ñu di ma fiir, defuma dara, ñu gas um yeer, di ma téri. 8 Yal nañu sànkoo mbetteel, keppoo seen fiir, sànkoo seen um yeer.

Sabóor 35:10 di ko sante sama jëmm jépp, naan: «Éy Aji Sax ji, ana ku mel ni yaw, di xettli néew-ji-doole ci boroom doole, ak ku néewleek ku ñàkk ca ka leen di lekk?»

Sabóor 36:7-9(8-10) Céy Yàlla, yaa wéet ngor, doom aadama yiwoo sa ker, yiiru; 8(9) yafloo sa njël lu duun, sa xéewal wal, nga nàndale ko. 11(10) Ci yaw la dund di balle, te sag leer lanuy leerloo.

Sabóor 37:5 Jébbalul ci Aji Sax ji, dénku ci moom, mooy sottal.

Sabóor 37:23,24 Aji Sax jeey sopp saw yoon, jiite say jéego. 24 Soo téréfee it, doo daanu. Aji Sax jee lay waloo loxoom.

Sabóor 37:40 Aji Sax jee koy taxawu, wallu ko, wallu ko ci ku bon, musal ko, ndax li mu ko làqoo.

Sabóor 39:1(1,2) Mu jëm ci Yedutun, njiital jàngkat yi, di kàddug Sabóor, ñeel Daawuda. (2) Dama noon: «Damay moyu ba duma moye làmmiñ.» Li feek ku bon di teew, may ñalaab sama gémmiñ.

Sabóor 41:4(5) Dama ne: «Aji Sax ji, tooñ naa la; baaxe ma, faj ma.»

Sabóor 42:5(6),11(12) Moo man, lu may yoggaaral nii? Lu may jàq? Naa yaakaar Yàlla, ba dellu sante sama Yàlla wallam. 11(12) Moo man, lu may yoggaaral nii? Lu may jàq? Naa yaakaar Yàlla, ba dellu sante sama Yàlla wallam. (Sabóor 42:6,11; 43:5)

Sabóor 43:1 Éy Yàlla, àtte ma, layool maak xeet wu gorewul, xettli maak ku njublan te dëng.

Sabóor 44:4(5) Yaay kiy sama buur, di sama Yàlla, mayal askanu Yanqóoba ay ndam.

Sabóor 51:4(6) Yaw laa moy, yaw doñj. Li nga ñaawlu laa def. Kon boo waxee, yaa yey; boo àttee, wàcc nga.

Sabóor 52:5(7) Yàlla da lay sànk ba fàww, fëkke la sab xayma, yóbbu, déjjatee la réewum aji dund. Selaw.

Sabóor 54:7(9) Lépp luy njàqare, yaa ma ci jële, ma tiim samay noon.

Sabóor 55:18(19) Moo may jot ak jàmm, ba ma mucc ci xare ya ma ñu bare di songe.

Sabóor 59:2(3) Xettlimaak ñiiy def lu bon, wallu maak bóomkat yi.

Sabóor 60:12(14) Nook Yàlla, nu def njàmbaar; moom mooy not sunuy noon.

Sabóor 63:11(12) Buur moom, di bége Yàlla; képp ku koy giñe di ko kañoo, fenkat ne xerem.

Sabóor 66:3 Neleen Yàlla: «Yaaka yéemey jaloore! Sa doolee bare, ba say noon rasu,

Sabóor 68:6(7) Yàllaay sàkkal ku wéet wéttal, di afal ku ñu téjoon, bégal ko, ku déggadi rekk ay dëkke suuf su ne sereñ.

Sabóor 68:35(36) Céy Yàllaaka mata ragal fa këram gu sell! Mooy Yàllay Israyil, di may mbooloo mi dooleek kàttan. Cant ñeel na Yàlla!

Sabóor 70:1(1,2) Mu jëm ci njiital jàngkat yi, ñeel Daawuda, di woy wuy fàttlee. (2) Yàlla, wallu ma! Éy Aji Sax ji, gaawe ma!

Sabóor 71:4 Éy sama Yàlla, musal ma ci dooley ku bon ak ab saay-saay ak ab néeg.

Sabóor 71:13 Samay seytane, yal nañu leen rusloo, sànk leen. Ñi may wuta lor, yal nañu leen gàcceel, sewal leen.

Sabóor 72:12 Mooy xettliji aji tumurànke bu woote wall ak aji néewle ju sësul fenn.

Sabóor 76:12(13) Mooy sàggi sagu kilifa yi, di tiitaangey buuri àddina.

Sabóor 79:9 Éy Yàlla, yaa nuy musal, wallu nu, ba sa seede rafet. Xettli nu te baal nu sunuy bákkaar, ba sa woy rafet.

Sabóor 86:17 Ngalla def ma sa firndey mbaax, ba bañ yi gis ci, rus, ndax yaw Aji Sax, ji ma dimbali, dëfal ma.

Sabóor 91:14,15 Yàlla da naa: «Kii de man la safoo, ma di ko xettli. Man la xam, te maa koy teg fu wóor. 15 Mu woo ma, ma wuyu ko; mook man ci biir njàqare, ma xettli ko, darajaal ko,

Sabóor 92:11(12) Maa gis jéllu noon yi, dégg yuuxi ñu bon ñi may téri.

Sabóor 103:10 Du sunuy bákkaar la nu mbugal, du sunuy ñaawtéef la nu fey.

Sabóor 104:9 Ag kemu nga teg, du ko weesu, te dootu muur suuf si.

Sabóor 107:6 Ñu jàq, woo Aji Sax ji wall, mu xettleee leen seen njàqare,

Sabóor 118:10,12 Yéefar yépp a ma sam, ma bëmëx leen ci dooley Aji Sax ji. 12 Naka lañu ma sam niy yamb, jekki ne kamaj ni taalu boob, ma bëmëx ci dooley Aji Sax ji.

Sabóor 121:7,8 Aji Sax jee lay sàmm ci gépp loraange, di sàmm sa bakkan. 8 Aji Sax jee lay sàmm, dem ak dikk, tey ak èllëg.

Sabóor 138:3 Bés ba ma woote, yaa ma wuyu, ñemeel ma, dooleel ma.

Sabóor 140:1(1,2) Mu jém ci njiital jàngkat yi, di kàddug Sabóor, ñeel Daawuda. (2) Éy Aji Sax ji, xettli ma ci ku bon, musal ma ci nitu fitna,

Sabóor 140:4,5(5,6) Éy Aji Sax ji, aar ma ci loxol ku bon, musal ma ci nitu fitna, ku may fexee faktal. 5(6) Ñu bew ñee ma làqal i yeer, lalal may buum ak i caax, feggal ma seeni fiir ci yoon wi. Selaw.

Sabóor 142:6(7) Teewlul, ma ne wóoy, damaa manatul, xettli ma ci ñi ma topp, dañu maa èpp doole.

Sabóor 143:9 Aji Sax ji, musal ma ci noon yi, yaw laa làqoo.

Sabóor 147:14 jàmmal seen suufas réew, reggal leen ngëneelu pepp,

Sabóor 149:6-9 di xaacuy kañ Yàlla, ñàbbaale saamaru ñaari ñawka, 7 ngir duma yéefar yi, mbugale ko yooyu xeet, 8 di xaacuy kañ Yàlla, ñàbbaale saamaru ñaari ñawka, 7 ngir duma yéefar yi, mbugale ko yooyu xeet, 8 yeewe seeni buur ay càllala, jéngé seeni njiit jéngi weñ, 9 ngir sottalal leen àtte bi ñu bind, muy ndamu wóllërey Yàlla yépp. Måggal-leen Ki Sax!